

Lavuratori "Il bab misericordavel"

Introducziun e survista

Il lavuratori cumpiglia las 26 staziuns sequentas (en tut 67 paginas):

-
- Staziun 1:** In bab aveva dus figls
Ils uffants vegnan a savair ina part da l'istorgia ed engiavinan co che l'istorgia va vinavant, emplenind nivlettas.
- Staziun 2:** La decisiun
I vegn zambregià ina porta. Cun quella èsi adina puspè da trair decisiuns. (simbolica porta)
- Staziun 3:** Blers buns giavischs
En ina busta mettan ins buns giavischs ch'il bab dà al figl sin la via.
- Staziun 4:** Finalmain davent!
Ils uffants reflecteschan ils pensaments dal figl.
- Staziun 5:** Tut quai poss jau far ussa!
Ils siemis e las speranzas vegnan applitgads sin il mund real dals uffants. Els fan ina collascha.
- Staziun 6:** Quai m'èn bels amis!
Strivlas cun frusas vegnan tagliadas or e messas en la dretga sequenza.
- Staziun 7:** Tar ils portgs
Tge faschess il figl il pli gugent or da spira fom? En ina muntanera da portgs èsi da rimnar ils bustabs per la soluziun.
- Staziun 8:** Nagin agid en vista!
Ils uffants cumpletteschan in maletg ch'illustrascha ils sentiments dal figl.
- Staziun 9:** Bellas regurdientschas
Ils uffants disegnan en nivlettas regurdientschas dal figl.

- Staziun 10:** Sa stgisar
Ils uffants pondereschan, cura ch'els èn sa stgisads ina giada.
- Staziun 11:** Tge duai jau dir?
Rimond en in labirint plets da soluziun vegnan ins a savair,
tge ch'il figl vul dir a ses bab.
- Staziun 12:** Il return
Cun il simbol da la porta engiavinan ils uffants, co ch'il bab
vegn a reagir.
- Staziun 13:** Il bab misericordaivel
Ina scrittira secreta vegn decifrada e mussa, co che l'istorgia
va vinavant.
- Staziun 14:** Puspè a chasa!
In maletg cun cifras vegn cumplettà. Il nov vestgì dal figl
vegn colurà da maniera ch'ins vesa ses sentiments.
- Staziun 15:** Il frar pli vegl
Il frar pli vegl resenta auter ch'il bab. Ils uffants
gruppeschan adjectivs.
- Staziun 16:** Il plaschair dal bab
In puzzle mussa tge ch'il bab declera al figl pli vegl.
- Staziun 17:** Co duai quai ir vinavant?
A maun da la porta pondereschan ils uffants reacziuns
pussiblas dal figl pli vegl ed empleneschan nivlettas.
- Staziun 18:** Dieu è mes bun Bab!
Ils uffants vegnan a savair che Dieu als ama. Els zambregian
in cor e dissegnan sasezs lien.
- Staziun 19:** Gieu d'ideas
Ils uffants scrivan sin placats lur ideas davart las
differentas persunas.
- Staziun 20:** Domino
L'istorgia vegn repetida a maun d'in domino.

- Staziun 21:** Leporello en ina stgatla da zulprins
Ils uffants dissegnan l'istorgia sco comic.
- Staziun 22:** Insatge n'è betg vair!
Ils uffants han da curreger ils sbagls en l'istorgia.
- Staziun 23:** Sin via cun il figl pers: gieu cun dat
Repetiziun a maun d'in gieu cun dat.
- Staziun 24:** Chattas ti la dretga resposta? Cartas cun cluppers
Trais cartas cun cluppers approfondeschan l'istorgia.
- Staziun 25:** Tge bellas fanestras da baselgia!
Ils uffants guardan maletgs da l'istorgia sin fanestras da baselgias e concepeschan sezs ina.
- Staziun 26:** Chattar puspè insatge pers.
Metoda per far visibel l'invisibel!

Latiers vegn in **fegl d'evaluaziun** che mussa, qualas staziuns che l'uffant ha gia tractà.

Tenor basegn han las staziuns in **fegl cun la soluziun**.

Las staziuns vegnan elavuradas sin fepls da lavur (FL).
Quels pon ins rimnar e far londerora in cudesch da format DIN A 5.

ATTENZIUN: Ils dretgs dals maletgs han ins cumprà tras "Niekao Lernwelten". Cun quai pon ins far diever da quels en l'instrucziun. Mintga diever commercial è dentant scumandà!

Traducziun rumantscha: Hans-Peter Schreich-Stuppan, Valchava
Lectorat: Aita Dermont-Stuppan, Laax
Editur: Center catechetic dal Grischun, Cuir 2009